

■ BANCA CHANTUNALA GRISCHUNA

Peter A. Fanconi – nov president

(cp) La regenza grischuna ha elegi Peter A. Fanconi sco nov president da la Banca Chantunala Grischuna (BCG). El entra en uffizi l'entschatta d'avrigl 2014 e daventa successur da Hans Hatz che n'è betg pli stà a disposiziun ord raschuns da vegliadetgna. Fabrizio Keller è vegni reelegi sco commember dal cussegl da la banca.

Tenor la lescha da la BCG è la regenza cumpetenta per la tschernia dal cussegl da la BCG cun set commembers. A la fin da mars 2014 scada la perioda d'uffizi dal president da la BCG, *Hans Hatz* (en il cussegl dapi 1991 e parsura davent da 1998) e dal commember dal cussegl da la BCG: *Fabrizio Keller*. Il president, Hans Hatz, stat – ord raschuns da vegliadetgna – na pli a disposiziun per ina ulteriura perioda d'uffizi. La regenza engrazia a Hans Hatz, president da la BCG, per sia excellenta prestaziun en il cussegl da la banca.

Sco nov president vegn *Peter A. Fanconi*, da Zumikon, elegi per la perioda d'uffizi dal 1. d'avrigl 2014 fin ils 31 da mars 2018. El ha 46 onns ed è burgais da Poschiavo. A l'Universitad da Turitg ha el fatg il licenziat en giurisprudenza. Sia elecziun è succedida a basa da sia lunga e sa cumprovada activitad sco interprendider e specialist da banca. Sco anteriur commember da la direenziun da gruppa e CEO Private Banking d'ina banca privata svizra e sco CEO d'ina reputada societad d'Asset Management enconuscha el fitg bain ils secturs ch'èn



Peter A. Fanconi, il nov president da la Banca Chantunala Grischuna.

MAD

impurtants per la BCG. Da preschent è el CEO e commember dal cussegl d'administraziun da BlueOrchard SA, ina interpresa da reputaziun mundiala sin il champ da Micro Finance per cumbatter la paupradad en pajais dal Terz mund. Peter A. Fanconi è maridà e bab d'ina figlia. Ses temp liber passenta el il pli gugent en il Puschlav ed en il Partenz.

La necessaria renovaziun permanen-

ta dal cussegl da la BCG sa drizza, resguardond las prescripziuns da surveglianza federala da finanzas (Finma) e tenor il profil da pretensiuns da la regenza per il cussegl da la banca. Las prescripziuns – tant per ils commembers sco per il presidi da la BCG – èn vegnidas survegluradas l'avrigl 2013 da la regenza e las pretensiuns da surveglianza adattadas.